

Pwyllgor Craffu - Polisi ac Adnoddau

Adroddiad Blynyddol

2020 - 2021

Scrutiny
in Carmarthenshire



sirgar.gov.uk

Cyngor **Sir Gâr**
Carmarthenshire
County Council



Cynnwys

Adran	Eitem	Tudalen
	Rhagair gan y Cadeirydd	2
1	Cyflwyniad	4
2	Trosolwg o waith y Pwyllgor 2020/21	4
3	Gweithgarwch Craffu Arall	7
4	Heriau	7
5	Gwaith yn y Dyfodol	7
6	Cefnogi'r Swyddogaeth Graffu	8
7	Presenoldeb	8

Rhagair gan y Cadeirydd

Fel Cadeirydd y Pwyllgor hwn, mae'n bleser gennyf gyflwyno Adroddiad Blynyddol y Pwyllgor Craffu - Polisi ac Adnoddau ar gyfer blwyddyn y cyngor 2020/21. Mae'r adroddiad hwn yn rhoi crynodeb cynhwysfawr o'r gwaith a wnaed gan y Pwyllgor yn ystod y cyfnod hwn ac yn rhoi cyfle i fyfrio ar y gwaith hwnnw.



Mae'r flwyddyn ddiwethaf wedi bod yn gyfnod heriol i'r Cyngor oherwydd Pandemig Covid 19 a chredaf fod y Pwyllgor hwn wedi parhau i chwarae rôl adeiladol wrth graffu ar berfformiad a chyfrannu at bolisïau a phenderfyniadau allweddol y Cyngor.

Er bod nifer o gyfarfodydd wedi'u canslo ar ddechrau'r flwyddyn oherwydd i gyfyngiadau symud ddod i rym, daeth Rheoliadau Awdurdodau Lleol (Coronafeirws) (Cyfarfodydd) (Cymru) (Diwygio) 2020 i rym ar 22 Ebrill 2020 gan ganiatáu i'r Awdurdod wneud trefniadau i gynnal cyfarfodydd o bell. Roedd, wrth reswm, ei heriau ei hun ynghlwm wrth hyn ond roeddem wedi gallu trafod a chraffu ar amrywiaeth eang o bynciau. Roedd y rhain yn cynnwys adroddiadau monitro safonol a rheolaidd yn ogystal â pholisïau a strategaethau newydd a gyflwynwyd gan y Cyngor Sir.

Bydd y flwyddyn sydd i ddod yn sicr yr un mor heriol ond rwy'n hyderus y byddwn yn parhau i roi pwyslais ar wella gwasanaethau mewn modd effeithiol ac effeithlon. Bydd hyn, wrth reswm, yn cynnwys ffyrdd newydd o weithio a chyfarfod wrth i ni ystyried goblygiadau'r pandemig.

Edrychaf ymlaen unwaith eto at yr her o gadeirio'r Pwyllgor hwn, a chyda chymorth fy Is-gadeirydd a gweddill y Pwyllgor gobeithio y cawn effaith gadarnhaol ar y canlyniadau ar gyfer trigolion Sir Gaerfyrddin. Byddwn yn parhau i weithio'n agos gydag uwch-reolwyr a staff y Cyngor i sicrhau bod y flwyddyn sydd o'n blaenau yn un gynhyrchiol.

Fel Cadeirydd y Pwyllgor, cadeirïaf hefyd Fforwm y Cadeiryddion a'r Is-gadeiryddion Craffu, sy'n trafod gwelliannau i'r swyddogaeth graffu i'w hystyried gan Weithgor Adolygu Cyfansoddiad y Cyngor ac yn gweithredu fel fforwm ar gyfer rhannu a dosbarthu arferion da o ran craffu. O ganlyniad i bandemig Covid-19, gohiriwyd llawer o'r gwaith Craffu a gynlluniwyd ar gyfer 2020/21 wrth i swyddogion wneud penderfyniadau dirprwyedig yn ystod y cyfnod hwn o argyfwng. Cyn belled ag yr oedd Pwyllgorau Craffu yn y cwestiwn, manteisiwyd ar y cyfle dros yr haf - mewn cytundeb â'r Bwrdd Gweithredol, i ail-osod Craffu ac i we-ddarlledu cyfarfodydd Craffu. Mae'r broses ddiwygiedig yn rhoi Aelodau'r Bwrdd Gweithredol mewn man blaenllaw o ran atebolrwydd. Gan ragweld y trefniadau craffu newydd, gwnaethom hefyd gytuno ar gyfres o sesiynau hyfforddi Craffu rhithwir ar gyfer aelodau a gynhaliwyd gan y Ganolfan Llywodraethu a Chraffu. Roedd y sesiynau hyfforddi hyn yn rhoi sylw i'r

sgiliau hanfodol sy'n ofynnol i ymgymryd â chraffu yn effeithiol a hefyd sgiliau ar gyfer cyfarfodydd ar-lein wrth inni we-ddarlledu'r cyfarfodydd craffu am y tro cyntaf. Er bod cyfarfodydd y Pwyllgor Craffu, wrth reswm, wedi eu canslo am rai misoedd, rhoddwyd trefniadau ar waith i sicrhau bod y grwpiau gwleidyddol yn ymwybodol o waith y Cyngor. Ymhlith y mentrau hyn oedd amserlennu cyfarfodydd wythnosol ar-lein rhwng Arweinyddion y 4 Grŵp Gwleidyddol, a bu'r cyfleuster "galw i mewn" safonol a chwestiynau heb rybudd ar waith o hyd ar gyfer cyfarfodydd y Bwrdd Gweithredol o fis Mehefin 2020 ymlaen.

Mae wedi bod yn gyfnod heriol i aelodau etholedig a swyddogion fel ei gilydd wrth newid sut yr ydyn ni'n gweithio a mynd i'r afael â thechnoleg newydd er mwyn cynnal cyfarfodydd o bell. Cytunodd Cadeiryddion ac Is-gadeiryddion y Fforwm Craffu fod y gyfres gyntaf o gyfarfodydd rhithwir wedi mynd yn dda ac y byddai adborth a gwelliannau am gyfarfodydd rhithwir yn eitem sefydlog ar agenda ein Fforwm hyd y gellir rhagweld'.

I gloi, hoffwn ddiolch i holl aelodau'r Pwyllgor a'r swyddogion am eu cyfraniadau a'u hymroddiad yn ystod 2020/21.

Y Cyngorydd Giles Morgan
Cadeirydd y Pwyllgor Craffu - Polisi ac Adnoddau

1. Cyflwyniad

Mae Erthygl 6.2 o Gyfansoddiad y Cyngor yn ei gwneud yn ofynnol i'r holl bwyllgorau craffu *"baratoi adroddiad blynyddol sy'n egluro gweithgareddau'r Pwyllgor dros y flwyddyn flaenorol."*

Prif nod yr adroddiad yw pwysleisio'r gwaith sydd wedi'i wneud gan y Pwyllgor Craffu - Polisi ac Adnoddau yn ystod 2020/21. Mae'n amlinellu gwaith posibl y Pwyllgor yn y dyfodol. Mae'n bosibl hefyd y bydd y ddogfen yn hwyluso trafodaethau am eitemau eraill a allai gael eu cynnwys mewn rhaglenni gwaith yn y dyfodol.

Cadeirir y Pwyllgor gan y Cynghorydd Giles Morgan ac mae'n cynnwys 13 o Aelodau Etholedig. Darperir cymorth i'r Panel gan y Tîm Gwasanaethau Democrataidd a swyddogion eraill y Cyngor pan fo angen.

Mae'r adroddiad hwn yn rhoi trosolwg o waith y Pwyllgor Craffu - Polisi ac Adnoddau yn ystod blwyddyn y cyngor 2020/21. Mae'n caniatáu i Aelodau ystyried llwyddiannau'r flwyddyn a nodi beth a weithiodd yn dda ac ymhle y gellid gwneud gwelliannau. Mae'r dadansoddiad hwn yn hanfodol i ddatblygu'r broses graffu.

2. Trosolwg o waith y Pwyllgor 2020/21

2.1 Nifer y Cyfarfodydd

Cynhaliodd y Pwyllgor Craffu 6 chyfarfod ym Mlwyddyn Ddinesig 2020/21. Cafodd y cyfarfodydd a oedd i fod i'w cynnal rhwng mis Ebrill a Hydref 2020 eu canslo oherwydd y Pandemig Coronafeirws.

2.2 Y Flaenraglen Waith

Mae'r Pwyllgor Craffu yn datblygu ei Flaenraglen Waith (FWP) ei hun ar gyfer 2020/21 ond ni chadarnhaodd y Pwyllgor hyn tan ei gyfarfod ar 2 Rhagfyr 2020 oherwydd y cyfarfodydd a ganslwyd.

Roedd y Flaenraglen Waith yn seiliedig yn bennaf ar y meysydd allweddol a nodwyd fel amcanion yn Strategaeth Gorfforaethol y Cyngor 2018-23 ynghyd ag eitemau safonol megis adroddiadau monitro perfformiad a chyllideb, adroddiadau monitro cynlluniau gweithredu a cheisiadau penodol gan y pwyllgor craffu ei hun. Gofynnwyd hefyd am adroddiadau ychwanegol gan y Pwyllgor Craffu yn ystod y flwyddyn a newidiwyd y Flaenraglen Waith yn unol â hynny.

Drwy ddatblygu'r cysyniad o Flaenraglen Waith a'r broses ar gyfer cytuno arni, mae modd i bob pwyllgor craffu benderfynu ar ei agenda waith ei hun. Mae manteision y dull hwn o weithio wedi arwain at wella'r drafodaeth a'r cyfraniadau yn ystod cyfarfodydd y pwyllgorau craffu.

Roedd Deddf Llesiant Cenedlaethau'r Dyfodol (Cymru) 2015 yn rhoi lle blaenllaw i gynaliadwyedd hirdymor o ran y modd y caiff gwasanaethau cyhoeddus eu dylunio a'u cyflwyno ac mae'n rhoi pwyslais ar gyrrff cyhoeddus i weithio mewn partneriaeth â'i gilydd a'r cyhoedd er mwyn atal a mynd i'r afael â phroblemau. Sefydlodd y

Ddeddf Fwrdd Gwasanaethau Cyhoeddus ar gyfer pob Awdurdod Lleol yng Nghymru.

Er mwyn sicrhau bod y byrddau gwasanaethau cyhoeddus yn atebol yn ddemocrataidd, roedd gofyniad ar Gynghorau i ddynodi pwyllgor trosolwg a chraffu i graffu ar waith y Bwrdd Gwasanaethau Cyhoeddus. Fel Pwyllgor Craffu dynodedig y Cyngor i'r perwyl hwn, mae'r Pwyllgor Craffu - Polisi ac Adnoddau wedi parhau â'i rôl o ran craffu ar waith y Bwrdd Gwasanaethau Cyhoeddus a'i ddal i gyfrif ynghylch ei berfformiad o ran cyflawni amcanion y Cynllun Llesiant Lleol. Yn hyn o beth cafodd y Pwyllgor gofnodion cyfarfodydd y Bwrdd Gwasanaethau Cyhoeddus yn rheolaidd.

Bydd yr adrannau canlynol yn rhoi cipolwg ar brif feysydd gwaith y Pwyllgor.

2.3 Covid-19 - Adroddiadau Diweddarau'r Gwasanaethau

Yn ei gyfarfod ym mis Rhagfyr 2021, y cyfarfod cyntaf ers i'r cyfyngiadau symud ddod i rym ym mis Mawrth 2020, derbyniodd y Pwyllgor adroddiadau diweddarau yn manylu ar ymateb a pherfformiad gwasanaethau o fewn ei gylch gwaith i'r heriau sy'n deillio o'r pandemig COVID-19.

2.4 Cyllidebau Refeniw a Chyfalaf

Cafodd y Pwyllgor adroddiadau chwarterol am y cyllidebau cyfalaf a refeniw adrannol a chorfforaethol. Galluogai'r adroddiadau hyn yr aelodau i fonitro'r gwariant ym mhob maes a'r cynnydd a wnaed o ran unrhyw waith cyfalaf.

Yn ogystal â monitro'r gyllideb bresennol, ymgynghorwyd â'r Pwyllgor hefyd ynghylch Strategaeth Cyllideb Refeniw 2021/22 i 2023/24. Roedd yr adroddiad yn rhoi'r cynigion presennol i'r Pwyllgor ynghylch y Gyllideb Refeniw ar gyfer 2021/22, ynghyd â ffigurau dangosol ar gyfer blynyddoedd ariannol 2022/23 a 2023/24.

Derbyniodd yr Aelodau'r adroddiad a chymeradwyo'r Crynhoad Taliadau.

Ymgynghorwyd â'r Pwyllgor ynglŷn â'r Rhaglen Gyfalaf 5 Mlynedd 2021/22 - 2025/26.

Canlyniad:

Cymeradwyodd y Cyngor Sir y Strategaeth Cyllideb Refeniw a'r Rhaglen Gyfalaf 5 Mlynedd.

2.5 Adroddiadau ynghylch Rheoli'r Trysorlys a Dangosyddion Darbodaeth

Cafodd y Pwyllgor y newyddion diweddaraf a oedd yn nodi'r gweithgareddau a oedd yn rhan o Swyddogaeth Rheoli'r Trysorlys, yn unol â'r Polisi a'r Strategaeth Rheoli'r Trysorlys a gymeradwywyd gan y Cyngor Sir ar 3 Mawrth 2020.

2.6 Adroddiadau Monitro Perfformiad Adrannol a Chorfforaethol 2020/21

Un o rolau pennaf y pwyllgorau craffu yw monitro perfformiad y gwasanaethau a'r swyddogaethau a ddaw o fewn ei gylch gwaith. Gwnânt y gwaith hwn yn bennaf drwy ystyried adroddiadau monitro perfformiad chwe-misol ac adroddiadau monitro cynlluniau gweithredu amrywiol. Mae adroddiad monitro perfformiad yn rhoi darlun cytbwys o berfformiad ar draws y meysydd gwasanaeth perthnasol. Bu'r Pwyllgor yn ystyried yr adroddiadau perfformiad ar gyfer ei gylch gwaith yn ei gyfarfodydd ym mis Chwefror 2021.

2.7 [Monitro Absenoldeb Salwch](#)

Ym mis Mawrth 2021 bu'r Pwyllgor yn ystyried adroddiad ynghylch Monitro Absenoldeb Salwch a oedd yn rhoi sylw i ddata absenoldeb salwch adrannol hanner blwyddyn [Chwarter 2] ar gyfer 2020/21 ynghyd â thablau meincodi a safleoedd perfformiad. Roedd yr adroddiad hefyd yn cynnwys dadansoddiad o brif achosion absenoldeb er mwyn galluogi'r Pwyllgor i graffu ar berfformiad y Cyngor mewn perthynas â rheoli presenoldeb. Un o ganlyniadau'r adroddiad oedd trefnu Sesiwn Datblygu Aelodau a oedd yn rhoi sylw i system monitro absenoldeb salwch staff 'porth byw'.

2.8 [Bwrdd Gwasanaethau Cyhoeddus Sir Gaerfyrddin](#)

Ym mis Rhagfyr 2020 a mis Chwefror 2021, bu i'r Pwyllgor, fel y pwyllgor craffu dynodedig a benodwyd i graffu ar waith y Bwrdd Gwasanaethau Cyhoeddus, ystyried cofnodion cyfarfodydd Bwrdd Gwasanaethau Cyhoeddus Sir Gaerfyrddin.

2.9 [Adroddiad Blynyddol 2019/20 ar yr Iaith Gymraeg](#)

Ym mis Mawrth 2021 bu'r Pwyllgor yn ystyried yr Adroddiad Blynyddol o ran yr iaith Gymraeg a chydymffurfio â Safonau'r Gymraeg yn ystod 2019-20. Roedd yr Adroddiad wedi cael ei lunio er mwyn cydymffurfio â threfniadau monitro Comisiynydd y Gymraeg.

2.10 [Strategaeth Trawsnewid Digidol 2021-24](#)

Ym mis Ebrill 2021 bu i'r Pwyllgor ystyried a chymeradwyo Strategaeth Trawsnewid Digidol 2021-24

2.11 [Adroddiad Blynyddol Cynllun Cydraddoldeb Strategol 2019-20 a Chynllun Gweithredu 2020-24](#)

Ym mis Mawrth 2021, rhoddodd y Pwyllgor ystyriaeth i Adroddiad Blynyddol Cynllun Cydraddoldeb Strategol 2019-20, ynghyd a Chynllun Gweithredu 2020-24, a oedd yn manylu sut oedd y Cyngor wedi gweithredu ei Gynllun Cydraddoldeb Strategol ac wedi cyflawni ei ddyletswyddau dan Ddeddf Cydraddoldeb 2010 a'r Dyletswyddau Penodol i Gymru.

2.12 [Polisi Cwynion Corfforaethol](#)

Ym mis Mawrth 2021, cymeradwyodd y Pwyllgor y Polisi Cwynion Corfforaethol yn unol â gofynion Asiantaeth Safonau Cwynion/Ombwdsmon Gwasanaethau Cyhoeddus Cymru.

2.13 [Bargen Ddinesig Bae Abertawe / Pentref Llesiant a Gwyddor Bywyd Llanelli](#)

Cafodd y Pwyllgor y wybodaeth ddiweddaraf ynglŷn â phortffolio Bargen Ddinesig Bae Abertawe a'i rhaglenni / prosiectau cyfansoddol gan gynnwys y Pentref Llesiant a Gwyddor Bywyd arfaethedig yn Llanelli yn ei gyfarfod ym mis Chwefror 2021.

2.14 [Cynlluniau Busnes Adrannol](#)

Ym mis Ebrill 2021 bu'r Pwyllgor yn ystyried Cynlluniau Busnes Adrannol 2021-22 y Prif Weithredwr a Gwasanaethau Corfforaethol a oedd yn amlinellu blaenoriaethau'r adrannau a sut yr oeddent yn cefnogi'r Pum Ffordd o Weithio a 7 nod Deddf Llesiant

Cenedlaethau'r Dyfodol (Cymru) 2015. Bu'r Pwyllgor yn ystyried darnau o Gynllun Busnes Adran yr Amgylchedd 2021-22 yn ymwneud â'r Is-adran Eiddo a oedd yn berthnasol i faes gorchwyl y Pwyllgor.

3. Gweithgarwch Craffu Arall

3.1 Gorchwyl a Gorffen

Ni wnaeth y Pwyllgor gynnal adolygiad gorchwyl a gorffen yn ystod 2020/21.

3.2 Ymweliadau Safle

Nid oedd y Pwyllgor wedi cynnal unrhyw ymweliadau safle yn ystod 2020/21.

3.3 Sesiynau Datblygu

Cynhaliwyd y sesiynau datblygu/seminaraucanlynol i aelodau yn ystod 2020/21:

- Hyfforddiant Microsoft Teams ar gyfer cyfarfodydd ar-lein - nifer o sesiynau ym mis Mehefin 2020
- Hyfforddiant Zoom ar gyfer cyfarfodydd ar-lein - Rhagfyr / Ionawr
- Hyfforddiant am Ap Newydd Mod.Gov (cynhelir gan Civica) - Hydref
- Hyfforddiant Craffu (Cyflwynir gan y Ganolfan Llywodraethu a Chraffu) Hydref
- Craffu Ar-Lein (Cyflwynir gan y Ganolfan Llywodraethu a Chraffu) Tachwedd
- Cytundebau Adran 106 ac Ymgymeriadau Unochrog - Chwefror
- Briff ynghylch Brechu Covid (Cynhelir gan Fwrdd Iechyd Prifysgol Hywel Dda) - Chwefror
- Cyflwyniad i Glefyd Coed Ynn a rolau a Chyfrifoldebau a Rolau'r Cyngor Sir - Mawrth
- Tyfu Sir Gaerfyrddin: Caffael Blaengar, cadwyni cyflenwi bwyd a Chyfleoedd yn y Dyfodol - Mawrth
- Anheddau Mentrau Gwledig - Mawrth
- Datblygiadau Un Blaned - Ebrill

Yn ogystal â'r uchod, cynhaliwyd sawl seminar cyllideb yn ystod mis Ionawr fel rhan o broses ymgynghori'r Cyngor ar Gyllideb Refeniw 2021/22 a'r rhaglen gyfalaf 5 mlynedd.

4. Heriau

Wrth gyflawni ei waith mae'r Pwyllgor wedi wynebu sawl her, gan gynnwys eitemau heb gael eu hadrodd yn unol â'r Flaenraglen Waith, lefel y manylder yn yr adroddiadau - weithiau gormod o fanylion, weithiau rhy ychydig a'r oedi cyn cael yr adroddiadau ariannol, er bod hyn yn cael sylw i'r graddau yr oedd y gweithdrefnau ariannol yn caniatáu.

5. Gwaith yn y Dyfodol

Mae'r Pwyllgor wedi gwneud cynnydd sylweddol a bydd yn parhau i ganolbwyntio ar bynciau lle bydd cyfraniadau'r Aelodau'n arwain at ganlyniadau cadarnhaol i ysgogi

gwelliannau yn y gwasanaeth. Manylir ar waith y Pwyllgor ar gyfer y dyfodol yn ei Flaenraglen Waith a bydd yn parhau i gael ei fonitro ar gyfer y flwyddyn i ddod.

6. Cefnogi'r Swyddogaeth Craffu

Mae'r cymorth a roddir i swyddogaeth graffu Cyngor Sir Caerfyrddin yn cael ei ddarparu gan yr Uned Gwasanaethau Democrataidd yn yr Is-adran Gweinyddiaeth a'r Gyfraith yn Adran y Prif Weithredwr. Mae hyn yn cynnwys:

- Darparu cymorth a chyngor cyfansoddiadol i Bwyllgorau Craffu'r Cyngor ac i aelodau'r Pwyllgorau hynny yn ogystal â llunio cofnodion eu cyfarfodydd a sicrhau bod materion sy'n codi o'r cyfarfodydd hynny yn cael eu gweithredu
- Rhoi cymorth a chyngor mewn perthynas â swyddogaethau Pwyllgorau Craffu'r Cyngor i aelodau gweithredol ac anweithredol y Cyngor a'i swyddogion;
- Rheoli datblygiad strategol y swyddogaeth Graffu yn Sir Gaerfyrddin trwy ymwneud â rhwydweithiau a mentrau Craffu cenedlaethol a rhanbarthol, cefnogi Cadeiryddion ac Is-gadeiryddion y Fforwm Craffu, a Fforwm Bwrdd Gweithredol y Cadeiryddion a'r Is-gadeiryddion Craffu;
- Cyngori a chefnogi gweithredu gofynion Mesur Llywodraeth Leol (Cymru) 2011 wrth i'r canllawiau gael eu cyhoeddi;
- Rheoli'r gwaith o gydgyssylltu a datblygu rhaglenni'r Flaenraglen Waith ar y cyd ag aelodau Craffu;
- Rheoli a chydlynu gwaith adolygu'r swyddogaeth Graffu, gan gynnwys gweithredu grwpiau gorchwyl a gorffen ym maes craffu, awdurdodi adroddiadau ar y cyd â'r grwpiau, a chynorthwyo i weithredu a monitro'r adolygiadau a gwblhawyd;
- Rheoli rhaglen datblygu aelodau'r Pwyllgor Craffu
- Anfon yr agendâu ar gyfer cyfarfodydd y Pwyllgor Craffu o leiaf 4 diwrnod gwaith cyn y cyfarfod.

I gael rhagor o wybodaeth am graffu yn Sir Gaerfyrddin, gan gynnwys rhaglenni gwaith, adroddiadau gorchwyl a gorffen ac adroddiadau blynyddol, ewch i wefan y Cyngor Sir: www.sirgar.llyw.cymru/craffu

I gysylltu â'r Uned Gwasanaethau Democrataidd, ffoniwch 01267 224028 neu anfonwch neges e-bost at craffu@sirgar.gov.uk

7. Presenoldeb

Mae presenoldeb Aelodau'r Pwyllgor Craffu - Polisi ac Adnoddau yn ystod y flwyddyn 2020/21 yn cael ei ddangos yn y tabl isod. Cynhaliwyd cyfanswm o 6 chyfarfod rhithwir rhwng Rhagfyr 2020 ac Ebrill 2021 - ac fe ganslwyd 4 cyfarfod a drefnwyd rhwng Ebrill a Hydref 2020 oherwydd y pandemig Coronafeirws.

Aelod y Pwyllgor Craffu	Nifer y cyfarfodydd a fynychwyd allan o 6 phosibl	%
-------------------------	---	---

Y Cynghorydd S.M. Allen	6	100%
Y Cynghorydd K. Broom	5	83%
Y Cynghorydd D. Cundy	6	100%
Y Cynghorydd H. Davies	5	83%
Y Cynghorydd T.A.J hyd at 3/2/21	1 [allan o 2]	50%
Y Cynghorydd W.R.A o 2/3/21	4 [allan o 4]	100%
Y Cynghorydd J. Edmunds	5	83%
Y Cynghorydd J. K. Howell	6	100%
Y Cynghorydd G.H. John	6	100%
Y Cynghorydd A.C. Jones	6	100%
Y Cynghorydd K. Madge	4	66%
Y Cynghorydd A.G. Morgan	6	100%
Y Cynghorydd J. G. Prosser	4	66%
Y Cynghorydd D.E. Williams	5	83%
Dirprwyon	Nifer y cyfarfodydd a fynychwyd	
Y Cynghorydd W.T. Evans		2
Y Cynghorydd K. Lloyd		1
Y Cynghorydd B.D.J. Phillips		1
YR AELOD O'R BWRDD GWEITHREDOL	Nifer y cyfarfodydd a fynychwyd	
Y Cynghorydd C. Campbell		2
Y Cynghorydd E. Dole		2
Y Cynghorydd P. Hughes-Griffiths		1
Y Cynghorydd David Jenkins		5
Y Cynghorydd M. Stephens		3

8. Rhestr Termau

CIPFA - Sefydliad Siartredig Cyllid Cyhoeddus a Chyfrifyddiaeth

PSB – y Bwrdd Gwasanaethau Cyhoeddus

FWP - Blaenraglen Waith

TIC - Trawsnewid i Wneud Cynnydd

WBFG – Deddf Llesiant Cenedlaethau'r Dyfodol (Cymru) 2015